

大理縣志稿

第十六冊

雜志部

卷三十二

古蹟

冢墓

寺觀

坊表

軼事

四一圖書館

惠存

敬獻
三
四
一

大理縣志稿卷之三十二

雜志部

全書爲綱凡十有二各以類聚其不能類者歸入雜志如古蹟冢墓寺觀不能類以地志軼事異聞不能類以歷史統之以雜猶選文者之殿以箴銘簡跋選詩者之殿以詩餘詞餘也五彩合爲文章之雜元黃混爲天地之雜易繫詞曰雜物撰德謂雜聚天下之物也易有錯綜詩有正變禮有宜俗雜焉何傷爰以雜志殿焉故志之

古蹟

鶴拓

俗傳洱水旣洩其地林藪蔽翳人莫敢入有二鶴日往來

河岸人跡之而入剗刈蕪莽乃得平土而居今城南雙鶴橋卽誌其事

葉榆廢縣

《明通志》在城東《一統志》在東北前漢屬益州

後漢屬永昌郡晉太康地志屬雲南郡元志大理路本漢葉榆

縣地《舊雲南通志》在城東南十里陽和舖今遺址尙存

謹按葉榆

當屬今太和縣北以今太和縣漢時尙屬雲南縣也

南詔城址 一在河尾里一在官邑里一在太和村一在蟠溪一

在塔橋一在摩用皆爲備土蕃而設

風孔 在蒼山三陽峰高原之上風從地孔出夏月過之刺入肌膚人謂郡之多風以此

王母坪 蒼山中峰左支約十畝世傳王母曾降於此萬曆間有碑紀之

天威逕 在城南三十里達永昌孔道武侯七擒縱孟獲處

洞天福地 雲弄峰一名神摩山崖側有石洞寬五六尺深約一丈高六七尺洞壁有石床臥一石人稱曰釋迦壁有人形天然無斧鑿痕

桂樹復生 周城銀相寺有丹桂一株虬枝霜骨閱數百年至咸豐丙辰寺燬樹枯甲申重修後桂苗復生今高已五尺

波羅巖 在聖應峰最高處昔異人趙波羅棲隱於此不築廬舍依崖而居故名

南詔避暑宮 在佛頂峰其地中高四下形若鼎峙南詔閣羅鳳

築宮避暑於此後改爲鶴頂寺回亂毀今重脩

曬經坡 蘭峰無爲寺上廣三百步不生草木爲唐高僧曬經處

香石巖 在中峰之半層巒聳翠每經過時異香逼人

放光谷 在芒湧溪深處名悉達場四圍若有光現或圓或長五

色互異云

天生橋 在城南三十里洱河西流處絕壑深塹石梁跨之形如人字憑虛凌空可度一人故曰天生橋橋西百武層石當流水激浪飛珠如梅綻因呼爲不謝梅橋北有裂嶂又名一線天卽水故道也

一錢至壁 富美邑濱海有大至壁高五丈寬倍之以海東紅石爲基額曰永慶安瀾因恐海水漲溢有碍秧苗脩此爲障初建時苦無貲經村中婦女織布者議每布捐錢一文告竣之日約費數千金積實爲山涓滴成海有志者事終竟成也

四洲 馬濂洲在鳳儀邑南鴛鴦洲在下陽溪東青莎洲在沙村東大鸛洲在金圭寺北

三島 一金梭島在汭河南一玉几島在汭東南均以象形得名三赤文島在汭東北

雙湖塔影 秋水初平南北湖中有三塔之影忽隱忽見倒映於波光縹緲中

雪窖 在蘭峰之半冬日積雪至夏不消前人呼爲雪窖又名

雪倉

望夫雲

俗傳蒙氏時有怪攝宮中女居於玉局峯巔女所欲飲

食怪給之不絕因山高候冷女苦之與索衣怪慰之曰河東高僧有一袈裟夏涼冬暖可立致遂夜至洱河之東羅筌寺將袈裟盜出僧覺之以咒厭怪溺死寺西水中化一大石坪俗呼爲石驪子女望之不歸遂鬱死精氣化爲雲名望夫雲每每歲冬雲現卽大風狂盪有不將海中之石吹出不止之勢航渡者皆苦之非情非理實不經之談也

剖碑巖

在洱河東岸南詔鳳伽異欲刻碑國門於此取材今剖

跡猶存

石乳巖

在城北芒湧溪上有滴乳石俗傳高智昇初生時被棄於此石乳下滴入口數日不死始收養之

馮河

在玉局峯頂之南舊志謂南詔豐祐瀦蒼峰爲池導山泉爲川灌田數萬頃民得耕種之利亦名高河今巖壁聳削奇木交加潭布以版石皆人工所爲當即此歟潭深莫測有墜葉鳥輒啣去

黃龍潭

蘭峰頂北地平如掌方里許有潭廣可十畝四周有石如樽形皆人工所成水蒼黑色潭邊水草紛披行經一處則處處皆動草際夾生雪茶參差交蔭潭西南隅深不可測登高西望永平諸峰高者如拳峭者如筍迴視洱水一鈎新月而已人

在潭畔不可作聲有聲則陰雲四合風雨驟至其水穿巖東注

於白石溪懽漑之利大馬

邑人李玉柱有黃龍潭磨寶劍歌云

而光解我混一兮耀鋒鋌男兒提此兮定四方一吸千江兮浩

氣揚劍歸寶匣龍歸滄他日崢嶸妖魔亡縱橫天下兮孰敢當

小雞足二十四景

小雞足山一名保和山在蓮花峰之南山麓

三支向前一支後挺與洱東雞足山相似故稱爲小雞足中有

一寺曰寶慶寺地極幽靜寺之四周古木蒼松扶榮交蔭寺西

南巖石垂乳狀按野吏載

段氏時高智昇初生其父棄之於

此石滴乳於口得不死遂收育之故名石乳崖即二十四景之

一其次曰雲封谷口曰獅象把門曰錫達橋曰九折坡曰木蓮

花曰旗鼓山曰二月紅梅曰九秋丹桂曰華守門曰和南洞曰

舍生臺曰八功德水曰石虎躍溪曰太子作碁曰袈裟石曰五
嶽朝天曰猿猴梯曰雲飛鷺嶺曰石上飛泉曰觀光石曰拜佛
石

來儀巷 在鳳儀邑相傳閣羅鳳時鳳凰來儀曾樓於此故名

無爲寺八景 無爲寺在蘭峰麓創於唐丙辰變毀寺門樓爲翠

華樓東北有駐蹕臺以忽必烈南征駐此得名寺前杉松五株
老幹撐天枝柯如龍形皆東向高數十丈大數十圍今僅存三
矣寺東有月啣橋以月初生啣於橋上故名後一泉曰救疫泉
六詔時時疫流行飲之得痊西北有曬經坡世傳唐僧玄奘取
經時曬經於此西南三里許有閣老巖峭壁千尋高出峰半青

蒼突兀高不可踰南俯雙鴛溪松聲泉韻互相答響上有洞深
不盈尺石榻平展可坐可臥遙望西南諸峰白雲舒卷千態萬
狀雲間積雪皚然朗映對此使人名利之心俱淡有汝南王之
玉磬碑扣之有金石聲今不知其處矣寺東北有李中谿父蓬
谷公及母董氏墓姪雪崗念崗墓皆高丈許峙於松蔭之表有
李氏世系圖碑伏於草際有石坊倒於中谿母墓前數十武無
人修理得母附近宵小將盜取碑石故先仆之按中谿爲吾邑
一代偉人其先人邱隴孰不當爲護惜哉

蛇骨塔 在馬耳峰羊皮村北高十二丈舊志載唐憲宗元和十
五年五月洱水有妖蛇興大水爲患南詔王勸利晟不能治有

段赤城者願滅蛇以救地方縛刀入水蛇吞之與蛇俱死水患
息利晟令人剖蛇腹出赤城骨葬之毀蛇爲灰建塔其上名曰
靈塔俗呼爲蛇骨塔南詔時以段赤城爲神祀之於洱濱龍王
廟中今廢

千尋塔 在崇聖寺塔高三百餘尺十六級餘二差小頂有款識
爲唐開元元年南詔延匠人恭韜徽義造明正統九年五月六
日地震塔裂旬日復合

宏聖寺塔 在城西南宏聖寺高二十餘丈十六級世傳周時阿
育王建明李元陽重修

中和山 中和峰半有寺曰中和山滿清康熙帝玄燁題有滇雲

拱極四字今尙存有蹟翠樓一名聚仙樓入夜東視滿城燈火
宛若星辰山南溪中有石如門兩巖對峙溪從中流出名雙石
門由峯麓山路直上有坡三疊名三臺坡寺後有泉從石上流
出名石上流泉峰南麓盡處有蒼神祠

將軍洞 斜陽峯麓唐天寶甲午十三載命將軍李宓率十道兵
南征至洱河尾爲閣羅鳳所敗全軍覆沒築萬人塚於河尾南
岸土人爲李宓建祠俗呼爲將軍洞中有樓曰混混樓

龍窩 有石洞在斜陽峰麓天生橋北洱河尾間故道也奧衍貫
穿內通石徑狹處僅容一車闊處則四馬行可並轡巉巖峭壁
忽而見一綫天忽而窈深繚曲嵌空石筍直上中通或如老樹

之空心或如丹竈之曲突拔地而起巨如銳底之桶中斷丈餘而上下口適相對徑約尺有咫圓滑一若塗脂其屈伸蜿蜒之狀有非人工所能穿鑿者遂相傳爲龍窩云

婦負石 在城南十里相傳有兵至境大士化一婦人負大石衆驚異相戒勿露刃但略其地後人祀觀音像於上

羅刹封石 在上陽溪谷口有方石如樓世傳觀音大士閉羅刹於此因建寺

觀音石迹 在崇聖寺南有楊黼八方書志之

大石案 在城北上陽波院長六尺闊六尺厚二尺許四足皆大石唐永徽間楊波遠爲迦葉供案

碧玕石 在龍泉中和二峯澗內嵌於巖上旭日出碧綠欲滴

石硯石筆 （雲南通志）在雞邑村合會寺相傳大士與羅刹寫

券處寺旁有石方四尺厚三尺瑩潔如硯又有石稜然特立圓
潔滑澤苔痕點染宛然班管

石筍 石在蟠溪土主寺出地三尺許形似筍緣之覺動搖昔有
人欲探其根者掘至三丈餘而石如故相傳此石生於鶴雲峰
麓伏地綿亙至鶴陽村一現爲白當石又至南礪一現爲石筍
又延生入海中爲隔岸石又名分河石

石桌 在下陽波村西田中力二丈許世傳大士與羅刹立券時
物田家皆保存之

永鎮山川石刻 在城北三里崇聖寺明黔國公沐所書永鎮山

川四字鐫石每字縱橫五尺雄渾遒勁立塔前石壁

石虎 神摩山側峭壁萬仞有一黑巖石如登山虎然

支鍋石 神摩山下約里許有三大石高闊約五丈品字形卓立

平原俗傳大士開澤國伏羅刹時曾支鍋於此云

南詔碑 （大理府志）在城南十五里太和古城閣羅鳳歸吐蕃

立碑國門外令鄭回撰明文明叛唐良非得已書法樸茂洵南

中有數古碑也令已剝蝕

平雲南碑 在城西俗傳爲蒙古忽必烈駐蹕之地今碑存觀音

市爲學士程文海撰文

禹王碑 （大理府志）一塔寺前明嘉靖間成都楊慎摹岢嶇碑

刻之立寺門東

黃華詩碑 （大理府志）元翰林王庭筠自號黃華老人李中谿得其遺筆四詩刻石於崇聖寺字古筆遒勁嗜古者往往集其字爲聯句今不存

雨洗碑 龍王廟壁間世傳五月大旱鄉人禱祈弗應以神巫卜謂某日時北門外橋有老人赤髯過者龍王也禱之卽雨果如所言鄉人德之刻碑於廟以紀其事一日雷雨大作將碑字洗訖今有剝蝕痕

平章石

（舊雲南通志）在縣西北蒼山應樂峰麓

謹按石刻首列平章風月